

厚德堂集驗方萃編



驗方萃編



上海珍藪
書局校印



驗方萃編自敘

古人云不為良相即為良醫蓋醫與相功雖異而濟世之心則同故上醫醫國其次醫人顧其心之誠不誠何如耳昔秦越人專心方術得上池水飲之遂能視人之五藏六府其於病也不察於皮毛腠理之間而察於神情形色之際蓋其心誠故其術邃也予幼讀書習舉子業凡農圃醫卜之書無不畢覽而謂其近於理可與儒術相參者莫如醫故供職部曹數十餘載公餘之暇專心於方術一途縱觀諸家方脈等編每玩一編皆悉心體驗務得其如何診視如何用方而後止故其視病雖未如盧醫之先識而於望聞問切間毫無敢疎每用一方輒屢試而屢驗厥後歷數十年將應

驗之方一一手錄都為一書分其門而別其類名曰驗方萃編夫
良相之濟世能醫國者也良醫之濟世能醫人者也予生不敏竊
謂立人達人之功未可倖致不得不採輯諸方以濟一世並勒為
成書以傳後世是予之用心未敢與醫國者爭頑頑而其濟世之
心則未嘗不與良相之心同一懇懇也後之君子倘不以予為謏
陋取是編而斟酌之或亦有裨萬一云爾

同治四年清和上澣長白馬佳奇克唐阿慎修手輯并敘

驗方萃編謹敘

醫學自岐軒而後靈樞玉版代有名篇即分經辨證按證製方足以濟人緩急者如思邈千金葛洪萬卷亦復指數難終汗牛充棟致莫尚焉然纍纍數千萬言祇為醫士作南車之引藥餌既多珍貴購求維艱篇幅亦嫌浩繁披閱不易遂使仁人博濟之心反以是而隘其量良可慨已 先君慎修公早捷黌宮繼教國子歷官春農部曹賢聲焜耀屢達

上聞特賞三品銜以知府歸部選用生平樂善不倦凡有裨於世道者每不惜財力以助其成公餘之暇尤精探脈理廣集良方或見於古今載籍或得於戚友傳聞皆詳加選擇手錄存

之又復按法製方施藥材以拯疾苦活人甚夥久之採擷既
富薈萃成書顏曰驗方萃編蓋數十年編訂萃輯雖未能
一遍試而偶一施治即神效無俦且其間選方用藥尤有尋
常易購價廉工省者雖至窮鄉僻壤之區馬足船唇之地靡
不可倉猝立致以收其功即急等燃眉亦不至嗟興束手果
能方與症對自可藥到病除不醫而愈未始非衛生之捷徑
也光緒乙亥春椿奉

命督糧江安退食之餘撫摩手澤見其平易近人頗切時用乃勉
承先志細檢全編別類分門依次檢校告成後將欲付梓以
公同好而適捧

綸音東臬三晉權綰藩條繼奉

特旨暫護撫篆簿書鞅掌兼顧未遑越三年始獲重加讐校付之
手民非敢謂濟世活人溥功德於無量但期恢之彌廣庶
先君汲汲救世之苦衷不致泯沒弗彰焉則幸甚

光緒七年孟春朔男馬佳松椿濟莊謹序於晉臬署



自來有仁人之心者必多方行仁人之術而時思創興善舉以濟世每首貴施醫贈藥也然施贈之所及尤恐不周故不如刊方書溥徧而歷久遠也是書曰驗方必多先經試驗而後錄也曰萃編必廣搜博採其最者而後成也古人有曰不為良相當為良醫誠以良相醫國良醫醫人其為濟世之仁心一也欽久留心西學觀西人之醫藥醫書最夥而於經驗之方書流傳獨鮮蓋方書必有實心實德積累世之功能集腋而成其書濟世愛人之心非淺鮮也夫明之後必有達人今春欽蒙 漕帥松公之聘入署親授其四公子西文盤桓往返申浦者累日公子年方弱冠恂恂儒雅淹貫經史尤篤嗜於經世有益之西學凡於西人所譯之書無不搜

羅殆盡而於聲色宴遊之地足不一至也未始非世有明德以啟之也是書為 松公

先老大人之所輯 松公繼又為之叅攷增益至精且詳乃垂欽校印因不以俚俗謹跋數言於卷末以誌 松公慈懷在抱濟世為心之盛德也云爾

歲在丙申季夏月明州諸生志亮王素欽謹識於黃歇浦

厚德堂集驗方萃編

長白馬佳奇克唐阿慎修手輯

男馬佳松椿濟莊參校

卷一

頭面諸症

眼目諸症

鼻疾諸症

口舌諸症

牙齒諸症

耳疾諸症



咽喉諸症

鬚髮諸症

腰脇諸症

噎膈諸症

眼目諸症

面齒諸症

卷一

吳黑卦林蘇齋集卷外

身白黑卦齊克園所創初年碑

吳齋堂集錫衣萃錄



頭疾總論

頭乃諸陽之總會六府清明之氣五藏精華之血皆能朝會於高
巔故凡氣之所運血之所行一有邪逆即能上頭而作痛或蒙蔽
其清明使氣不得上升或壅塞其經絡使血不得舒暢種種症候
不一而止景岳云頭痛一症暫痛者必因邪氣久痛者必因元氣
然暫痛久痛亦有分別暫痛者有外感頭痛亦有火邪頭痛久痛
者有陰虛頭痛亦有陽虛頭痛且有暫痛而虛久痛而實者陰陽
虛實之間不可不詳辨熟察以究其所由庶幾因脈辨症因症施
藥而能應手取效矣其惡寒脈浮清涕咳嗽脊背疼痛者此寒邪
之在表也治宜疎散其內熱脈洪振振痛而兼脹者此火邪之在

裏也治宜清降其水虧火動發熱脈弦痛而煩躁者此陰虧血虛之故治宜補陰其遇陰則痛遇寒亦痛脈微而倦怠者此陽衰氣虛之故治宜扶陽其因外感風寒客入腦髓或偏或正或左或右或耳鳴而煩悶或目暈而轉旋又當分十二經之脈絡以察三陽陰蓋三陽之脈俱上頭厥陰之脈亦會巔太陽在後陽明在前少陽在側此固各有所主外感所當詳辨也若內傷頭痛又不可以三陽拘耳症各有別治各有方聊錄經驗者數方以備採擇

十二經頭痛方 川芎 羌活 白芷 柴胡 蒼朮 石膏

蔓荊子 防風 半夏 細辛 藁本 南星 天麻 右

藥各等分引用甘草少許薑三片葱白一節煎服

太陽經頭痛方 川芎 羌活 藁本 麻黃 各等分煎服

少陽經頭痛方 柴胡 半夏各一錢五分 黃芩 東參 炙甘草各

錢 引用生薑三片紅棗二枚煎服

陽明經頭痛方 升麻 葛根各一錢五分 白芍 甘草各一錢 石膏

白芷各一錢 引用葱頭三箇煎服

太陰經頭痛方 蒼朮 半夏 南星 川芎 蔓荊子 右藥

各等分煎服

少陰經頭痛方 麻黃去節 細辛 附子煨 各二錢水煎服

厥陰經頭痛方 麻黃去節 羌活去蘆各五錢 吳茱萸四分 藁本 升

麻 黃耆 蔓荊子 細辛 柴胡 紅花 製半夏 黃

連各三分黃芩 當歸 酒洗 黃柏 川芎 蒼朮各一錢 米泔水浸一晝夜

炒 晒 乾 水二碗煎八分服

治諸頭痛方 生蘿蔔汁一蜎殼仰卧注鼻中左痛注左右痛注

右立愈

治風濕頭疼雷火神鍼方 川烏 草烏 鬧羊花 艾絨 牙

皂各五錢雄黃 硫黃 桃樹皮各三分麝香五分右藥共為

細末調勻以火紙二張將藥末並艾絨鋪紙上如火煤紙捲緊再加火紙一張捲上用紅棉紙包固兩頭以細麻線紮緊用時從中切斷先用半截於油燈火上燒旺再用桃紅細布七層包固兩頭紮抵患處如疼另移別處冷時再依前法燒



熱三四次自愈 此方專治寒濕風痰不論遠年近日其效

如神

偏頭疼方

地龍

去土焙乾加乳香末少許用紙
拈藥點燈以煙薰鼻孔即愈

治頭疼眩暈方

鬱金

白芷

石膏

細辛

雄黃

各一錢

薄荷

二錢

芒硝

麝香

各三分

共為細末每用一分吹鼻

中即愈

治六經頭疼方

梔子

炒

條芩

炒

連翹

川芎

白芷

知母

黃柏

酒炒

薄荷

柴胡

桔梗

生地

酒洗

香附米

石膏

二是甘草

細茶

一撮

石藥

各等分

水煎

食後

溫服

立愈

治偏頭風疼方

雄黃

細辛

各等分

研為

細末

每用

一釐

吹

